

**Vildana Bešlija**

Zastupnica u Skupštini Kantona Sarajevo

Sarajevo, 15.11.2023. godine

**Dostaviti:**

Bosna i Hercegovina  
Federacija Bosne i Hercegovine  
Kanton Sarajevo  
Skupština Kantona Sarajevo  
n/r Predsjedavajući g. Elvedin Okerić

**Uputiti:**

Vlada Kantona Sarajevo  
Ministarstvo za nauku, obrazovanje i mlade  
Ministarstvo finansija

**PREDMET: Zastupnička inicijativa**

Na osnovu člana 213. Poslovnika Skupštine Kantona Sarajevo ("Službene novine Kantona Sarajevo", broj 41/12, 15/13, 47/13, 47/15, 48/16, 9/20, 14/20 i 16/22), upućujem inicijativu Vladi Kantona Sarajevo, odnosno gore spomenutim ministarstvima, **da izvrše finansijsku procjenu osnivanja Studentskog Fonda solidarnosti za studente koji studiraju na javnim univerzitetima u Kantonu Sarajevu.**

**OBRAZLOŽENJE:**

Članom 31. stav (3) Zakona o visokom obrazovanju Kantona Sarajevo ("Službene novine Kantona Sarajevo", broj 36/22) onemogućeno je studentima iz kategorije djece šehida i poginulih boraca, djece ratnih vojnih invalida, djece dobitnika ratnih priznanja i odlikovanja, kao i djece bez oba roditelja koji nisu sa područja Kantona Sarajevo da budu oslobođeni plaćanja školarine. Međutim, ovaj stav nije diskriminatoran samo prema studenatima koji nisu sa područja Kantona Sarajevo, već predstavlja i diskriminaciju kategorija studenata koji su slabijeg imovinskog stanja, koji su djeca bez jednog roditelja ili koji su djeca roditelja sa invaliditetom. Shodno tome, potrebno je omogućiti svim kategorijama studenata da imaju jednako pravo na pristup obrazovanju bez obzira na njihovo finansijsko, imovinsko ili socijalno stanje na način da se gore spomenute kategorije prošire.

Uzimajući u obzir sve navedeno, upućujem inicijativu da se izvrši finansijska procjena uvođenja Fonda solidarnosti za studente koji studiraju na javnim univerzitetima u Kantonu Sarajevo za koji bi se definisali jasni kriteriji za apliciranje, a čiji cilj bi bilo potpuno ili djelimično finansiranje studenata koji pripadaju kategoriji djece šehida i poginulih boraca, djece ratnih vojnih invalida, djece dobitnika ratnih priznanja i odlikovanja, djece bez jednog ili oba roditelja, djece slabijeg imovinskog stanja ili socijalno ugroženih, kao i djece roditelja sa invaliditetom.

S poštovanjem,

Vildana Bešlija